

920369820

BORLAUG KJØTT

Mobilnummer

450 65 912

E-postadresse

Kontonummer **** * 71271

Vedtaksdato

30.11.2021

Vedtaket er gjort av

Alver kommune

Søknadsdato

31.08.2021

Vår referanse

2021/7611, Agros 162147

Vedtak om avslag på søknad om tilskot til spesielle miljøtiltak i jordbruket – Gjerding

Samandrag: Alver kommune har vedtatt å avslå søknaden.

Alver kommune viser til søknad av 31.08.2021.

Bakgrunn i saka

BORLAUG KJØTT søkte om tilskot til spesielle miljøtiltak i jordbruket 31.08.2021. Du søker om totalt 135 000 kroner i tilskot for tiltak perioden 01.09.2021-01.10.2024. Totalt kostnadsoverslag for tiltaket har du utrekna til 235 000 kroner.

Det er søkt om 135 000 kr til å sette opp gjerde på GBNR 156/2. Formålet er å gjerde inn beite for å kunne nytte alt arealet, åpna landskapet og å leggja til rette for almen ferdsel. Prosjektet er ei vidareføring av søknad frå 2019 og 2020.

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskrifta) § 1.

Ein kan innvilge tilskot til føretak der det går føre seg ein produksjon med rett til tilskot på eigedommen, og som oppfyller vilkåra i forskrift av 19. desember 2014 nr. 1817 om produksjonstilskudd og avløsertilskudd i jordbruket § 2, og § 3 eller § 4.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Grunna begrensa midler og mange søkarar i gjeldande søknadsomgang har kommunen valgt å prioritera dei søkarane som ikkje har aktive SMIL-saker.

Søkar har fått løyving på 24 000 kr til oppsetting av 600 meter gjerde på GBNR 156/2, Ref 2020/3583, Agros 132908. Kommunen ønsker at dette prosjektet vert fullført og sluttrapport godkjent før det vert løyvd meir tilskot til vidareføring av det same prosjektet.

Sluttrapport skal innehalda utfylt rapporteringsskjema, timeliste, bilag på innkjøpt materiell og kart som syner kvar gjerde er sett opp, Jf. Tilskuddsbrev datert 25.05.2020.

Når sluttrapport er godkjent for tidlegare prosjekt er du velkommen til å senda inn ny søknad. Søknaden må innehalda oppdatert kart som syner kva for ein del av gjerdetraséen ein no søker tilskot til.

Klagerett

Du kan klage på dette vedtaket til Statsforvalteren i Vestland. Send klaga til Alver kommune. Vi vil sende saka vidare til Statsforvalteren i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
for Alver kommune

Saksbehandla av: Marie Victoria Rekdal Skogrand

Godkjend av: Laila Bjørge